

**MUZIONE
(CÙ DUMANDA D'ESAME PRIURITARIU)**

- DIPUSITATA DA : Mma Camille Martelli per U GRUPPU « GHJUVENTÙ NAZIUNALISTA »

- UGHJETTU : CARTULA DI L'IMPIEGU LUCALE

CUNSIDARENDU a situazione isulana di a Corsica,

CUNSIDARENDU chì a situazione di l'impiegù è di u disimpiegù deve diventà una priurità per l'avvene di u populu corsu è in particolare per a so ghjuventù,

CUNSIDARENDU chì ci sò più di 22 000 dumandadori d'impiegù in Corsica,

CUNSIDARENDU chì a Corsica cunnosce dapoi anni è anni a puvertà : una persona nant'à cinque hà menu di 1000 euri per mese,

CUNSIDARENDU ch'ùn ci sò tutte l'ufferte di furmazione in Corsica è chì bisognu c'hè per a ghjuventù d'andà à studià fora di l'isula,

CUNSIDARENDU chì a lingua corsa face parte di l'identità di u populu è chì u bilinguismu custituisce un principiu universale di u rispettu di a diversità è di e lingue,

L'ASSEMBLEA DI A GIUVENTÙ DI A CORSICA

PORTA un interessu maiò annantu à a cartula di l'impiegu lucale in Corsica pruposta da u Presidente di l'Assemblea di Corsica,

DUMANDA chì un statutu particolare si fessi per a popolazione corsa,

DUMANDA chì l'opportunità d'impieghi è di furmazione benefiziessi in priurità à e persone chì anu i so « centri d'interessi materiali è murali » in Corsica,

DUMANDA chì a furmazione sia u scopu primurdiale di a CTC,

DUMANDA chì l'attori di l'impiegu lucale integressinu a lingua corsa in tutte e so attività,

DUMANDA chì l'inseme di l'attori di u mondu ecconomicu corsu (socii-prufeziunali, cummercianti, intraprese, artigiani, associi, istituzione pubbliche, ecc.), s'impegnessi in a cartula per l'impiegu lucale.